

ديوان يالي كنت رئيس عصابة

تأليف

د. خالد الشناوي



بطاقة فهرسة

حقوق لطیف

مكتبة جزيرة الورد

اسم الكتاب : ديوان يائي كنت رئيس عصابة

المؤلف : د. خالد الشناوي

رقم الإيداع : 5984 / 2011



مَكْتَبَةُ خَزِينَةِ الزَّوَدِ

القاهرة : ميلاد حليم خلف بك فيصل
ش ٣٦ يوليو من ميلاد الأوبرا : ٤٦-١٠٠٠٠-٠١٠٠٠٠-٢٣٨٢٧٥٧٤

الطبعة الأولى ٢٠١٢

الطبعة الأولى ٢٠١٢

يالي كنت رئيس عصابة

٣٠ سنه فى الفساد وباعوا البلد يا خال
٣٠ سنه فى الفساد وباعوا البلد يا خال
وكل صاحب شهاده راح يشتغل شيال
وواحد يبيع كليته وواحد باع العيال
واللى ماسك زمامها سايبها للأندال



آخر كلام

انا جيت كرسى فى السفر أقعد عليه وسط الزحام
و كنت راضى بقصتى وأنا عايش فى الخيام
جانى حرامى مفترى وقام سرقنى فى الظلام
أنا رحت طافش م البلد وهواده آخر كلام



الجمال ملوش مراره

الجمال ملوش مراره
ولا حلم يوم بالوزاره
الجمال مقامه على
حتى لو آكل بصره
الصقور عايشه بعيده
في الغربه مهيش سعيده
بتحلم بيوم رجوعها
بتخفى رغبتها الأكيده
الحمار ماشى في حاله
شايل فوق إحتماله
ساعه يشكى وساعه يبكى
وساعه راضى بلى جلاله

الكلب وفي لسيدة
كل يوم ينشد نشيده
عقله ليه واخذ أجازة
في الغبا يارب زیده



الخصخصة

نزلت سوق الشحاته أشوف لنفسى رصيف
لايت الشحاته كمان بالواسطه والتزييف
نصاب وباع البلد وقالوا دمه خفيف
وبدل دخول اللومان نقابله بالتشريف
وأساتذه فى البنزنه وعباقره فى التخريف
فى ناس بتاكل كباب وناس مش لايه رغيـف
وناس عايشه فى مارينا وناس بدنـها نحيف
وناس حياتهم نوم وناس تنام تخاطيف
سيبهم يبيعوا يا بوبا محنا فى عهد نظيف



الغنى في الوطن وطنين

الغنى في الغربه وطن
والغنى في الوطن وطنين
وإزاي كنت أغتنى
وفيها غراب البين
نهب كل الأراضى
وأنا مليش شبرين
وإحتكر حديد ونحاس
وأنا مليش طوبتين
أنا الشريف اللى سافر
وفاضل شريف جوه
أوعاك تسامح فى حقك
وقت سداد الدين ...

الفلوس بتجيب فلوس

الفلوس بتجيب فلوس
يلا إنهب يلا دوس
بيع في أرضك
بيع في عرضك
أما صحيح إنك جاموس
أما صحيح إنك جاموس.....



المساواه في الظلم عدل

المساواه في الظلم عدل
وفين عدالتك يا بلادى
ناس رواتبها في الحضيض وناس رواتبها بألف
وادی
كل بيه عاملها عزبه وموزعها ع المحاسيب
واحنا ولاد البطه السوده ضحكوا علينا بالأكاذيب
إنتى صحيح يا مصر أمى
وآلا إنتى مرات أبويا
إنتى فعلا شايله همى
وشايله هم أختى وأخويا
الحر فيكى لا يضام
دا الضرب فى الميت حرام
الضرب فى الميت حرام.....

إلى الشاعر

أحمد فؤاد نجم (يا فاجومي)

١٨ سنه فى المعتقل يا أحمد يا فاجومى
على شان كلمة حق قلتها ضد الظلم
زوار الفجر راحوا وطواهم النسيان
وكل شىء إنكشف والمستخبى أهو بان
وانت يا شيخ العرب منور دريم إثنين
إنت وحبائنا وقهوتك يا زين
يا زرع جايه من جذور الجذور
حاسس بكل الغلايه والفقرا والمساكين
يا سم كل مصرى بنقول حقك علينا
مع إننا زيك فى حب البلد مطحونين



إمسك طبله أو إمسك طار

إمسك طبله أو إمسك طار
أو حتى إعمل زمار
أو دور على كل دار
أو جبهها في نشرة أخبار
بقيت عواطلى في نظر الكل
والبركه في واحد منشار.....



طقطوقة

أنا حلمي بسيط قوي يا إخوانا

أنا حلمي بسيط قوي يا إخوانا
مش عايز حتة من الجنة
ولا طالب أركب مرسيد س
ولا عايز شنه ولا رنه
أنا عايز بس أبات مستور
ويا دوب على أدى طاقة نور
وكرامه للشعب المصري
حريه عداله ومفیش زور
هاتم إيديكم في إيديا
ونحارب كل الحراميه
والثوره البيضه معديه
ومع الإخلاص والوطنيه
بكره هنعيش في هنا وسرور
وأنا حلمي بسيط قوي يا إخوانا....

أغنية المدينه هيا هيا

المدينه هيا هيا
والشوارع دا هيا
كان ليا فيها ذكريات
ذكريات كانت جميله
وذكريات كانت أسيه
وفي النهايه كله فات
وفي النهايه كله فات

.....
نفس المدينه هيا هيا
.....

إنطقى يا أرض قولى
إن أنا أد التحدى
والصعاب مهما كانت

في النهايه لازم تعدى

والدنيا لو بتاخذ

هيجى يوم وتدى

والدنيا لو بتاخذ

هيجى يوم وتدى

والمدينه هيا هيا

.....



أغنية تسوي إيه

تسوي إيه الدنيا ديا قدام صرخة غريق
تسوي إيه مع الشعور باليأس وضياح الطريق
تسوي إيه تسوي إيه
تسوي إيه لما الأمل جوانا يغيب
تسوي إيه لما يفترق الحبيب عن الحبيب
تسوي إيه تسوي إيه
تسوي إيه لما تتخفق جوانا الدموع
ولما نمشي في طريق مفهوش رجوع
تسوي إيه تسوي إيه
تسوي إيه لحظة شعورنا بالعدم
لما ييجي وقت ما يفيد الندم
تسوي إيه تسوي إيه

أنشودة جايلك يا بلدي جايلك

جايلك يا بلدي جايلك
وجوه قلبي شايلك
ولحد بكرة هحايك
وأقولك سامحيني
الغربة صعبه عليا
لكن مهوش بإيديا
دا شيء على جيني
مهما أشرق وأغرب
أبعد لكن بقرب
إنتي في تكويني.....



أغنية الطاحونة

طاحونه تطحن دقيق دنيا بتطحن بشر
والحق ماله صديق والظلم فيها إنتشر
(هذا الكوبليه يكرر بواسطة المجموعه بعد كل كوبليه جديد)

آه يا زمن الزحام يا خائق الأحلام
سكت والله الكلام والقلب فيك إنكسر

آه يا زمن الدخان الغالى ليه فيك هان
والأخ ليه فيك خان ولائته أعمى البصر

آه يا زمن الأسيه الدم فيك بقى ميه
والقتل فيك بقى غيه ودموعنا زى المطر

فيه ابن يقتل أمه أو ابن يقتل أبوه
مع إنهم ربوه ويا ريته فيه كان طمر

أنشودة ميزان العدل اختل

(الله اسمه العدل...والعدل
أساس الملك...ولا بد للعدالة
أن تكون معصوية العينين)

ميزان العدل إختل
وحياتنا صبحت ذل
ملايين شاريين المر
وبلدنا كلها نهب
وحياتنا صبحت كرب
ندعى ونقول يارب

.....

عاليين بقوا واطيين
واطيين بقوا عالياين
والعيشه صبحت طين
شايفين وليه ساكتين

ساكتين وليه قاعدين
ظلم وملوش رجلين
وما بين ساعه وإثنين
يرجل غراب البين
وميزان العدل إختل
وحياتنا صبحت ذل



آه وألف آه منك يا مصر

آه والـف آه منك يا مصر
يا بلد المحسوبيه والرشاوى والفساد
الكلاب فيكى بتنبح صوتها على
الكلاب فيكى وفيه لصحاب المعالى
آل وإيه عاملين حمايه
وهما حاميها حراميها
آل وإيه عاملين وصايه
وهما واكلينها منها فيها
إيكى يا مصر على حالى وحال ملايين كل
الشباب اللى زي
شباب طالع م الأوائل آل وإيه وكمان مثالى
شباب م البيت للجوامع
عمره ما إتصرمح فى ناصيه
وفى النهايه ضيعوه ولاد أصحاب المعالى..

أوعى تبيع نفسك للفاجر

أوعى تبيع نفسك للفاجر
أصله يا صاحبي بيك هيتاجر
أصل في طبعه يخون ويفادر
وكل كلامه رصاص وخناجر
إبعد عنه وخليك شاطر
لازم تعرف إنك غالى
غالى بدينك غالى بأدبك
غالى بشرفك غالى بعلمك
أوعى تبيع نفسك للفاجر.....



برضه هفضل أسد

رحت في مكان موافقتش إني أكون حمار يركبوه
ورحت في مكان موافقتش إني أكون خروف
يدبحوه
لأنني إتولدت أسد
وهعيش أسد
ولو هجوع.. أو هنامع التراب
برضه هفضل أسد



بلطجية مصر^(١)

بلطجية مصر كتروا
بلطجيه خمس نجوم
بلطجيه فى الشياكه
والسياسه والعلوم
مصر إتباعت يا صابرة
إصحى قومى كفايا نوم
بلطجى نهب الأراضى
بلطجى نهب البنوك
بلطجى إحتكر الحديد
بلطجى مهرب جمارك
بلطجى بيلعب قمار
بلطجى يسمم فى أوتنا

(١) نشرت فى باب السكوت ممنوع بجريدة المصري اليوم .

بلطجی مش همه موتنا
بلطجی عامل مذیع
بلطجی أستاذ قانون
بلطجی یشاور بجزمه
بلطجی بیسب دین
مقدرشی أقول أکثر زیاده
ما إئتوا عارفینهم یا ساده
مش عایز أشرب قهوة ساده
بلطجیه مصر کتروا
بلطجیه خمس نجوم



بنادي وأهاتي

بنادي وأهاتي
وأصوت ليلاتي
ليه بعثونا
لواحد فلاتي
بيهبش وينهب
ويسرق يوماتي
وتاجر في أوتنا
وضيع حياتي.....



بندن في مالطه

بندن في مالطه بندن يا هوه
يا عالم ده طور يقولوا إحلبوه
وغموا عينيه ويلا إجلدوه
دى غابه كبيره كلاها كثيره
تمصمص في عضمه وتنهش أبوه.....



تخريفة

وبعد الصيف ييجى خريف
وبئينا فى زمن التخريف
بيقولوا ع الرشوة إكرامية
ويقولوا ع الحرامى نضيف
عدى التسعين برضه شباب
والشعر المصبوغ بهباب
إدوا الفرصة يا عالم لينا
وسيولنا حاجه تقوينا
شبابنا قعدوا عواطلية
أو غرقوا يا عينى فى الميه
لا شقة ولا أمل فى جواز
والخصخصة صبحت إنجاز
طبخ الطبخه أكلها وفاز

ومصر آهي ماشية على عكاز
يا ثري بكرة هييجي الخير
وألا هتبقى عيشتنا جاز



٣٠ سنة لابسين شوال

٣٠ سنه لابسين شوال
واعتدنا على ذل السؤال
وضاعت أحلامنا البريئه
ورسينا خلاص على الحقيقه
وراحت البنت الجريئه
واتجوزت وجابت عيال
هذا الشبل من ذاك الأسد
ومفيش مفر من جمال!!!



٣٠ سنة مطاين

٣٠ سنه مطاين
وعيشتنا صبحت طين
وغيرنا مطأطين
ويسرقوا الملايين
وحكومته بعد حكومه
قال يعنى مش عارفين
رفعت إيدى للسما... وشكيتكم
لأحكم الحاكمين.....



جدي العمدة

جدي العمده راح زمانه
جدي العمده ضاع مكانه
كان حلواني عاملها سبيل
والى يعدى عبي وشيل
مره حلاوة طحينيه
ومره حلاوه سودانيه
لو عايز ملين هتلاقى
وابنك ياكل عسله
جدي العمده مات وإرتاح
زمن البركه ولى وراح
وبقينا فى زمن الحراميه
الى ينهبوا بالملايين
خلونا وسط النار عايشين

خلونا في زمن العاطلين
لا مريض عارف يتعالج
ولا شاب عارف يتجوز
والكل ماشى يكلم نفسه
وغلابه في الخرابات عايشين
يلا يا مصرى إصحى وثور
مش طول عمر ك كنت جسور
أوعى تسبب حقك يتاكل
وإخرج م الظلمات للنور
ثوره ورا ثوره سلميه
وقفه ورا وقفه إحتجاجيه
هناحارب كل الحراميه
يمكن نقدر نعمل حاجه
لنموت بالسكته القليه



حاميها حراميها

نفس الشعور كإنك داخل الإمتحان
كإنك أول مره تسافر
أو مسافرتش من زمان
السفر قطعه من العذاب
حتى ولو راكب صاروخ
في بلاد الغربه مكتوب إنك تدوخ
والبركه في الأكابر
حاميها حراميها
ضيعوا كل اللى كان
ونفس الشعور كإنك داخل الإمتحان.



حد الله

حد الله ما بينا وبينكوا يلي نهبتوا بلادنا
حد الله ما بينا وبينكوا يلي قتلتموا ولادنا
حد الله ما بينا وبينكوا إنتوا بتضحكوا على مين
كفايا إنكوا بينكوا ونفسكوا عارفين إنكوا خاينين
حد الله ما بينا وبينكوا كلنا عليكموا شاهدين
هتروحوافين قدام ربنا في الآخره يوم الدين
حد الله ما بينا وبينكوا
حد الله.....
حد الله.....



خزنة ثقيلة قوي

خزنه ثقيله قوى ووزنها تسعين
وليها باب أوتوماتيك وعبرى وميتين
واللى معندوش فلوس يشكى جراحه لمين
فقرا راحوا يشتكوا الغلابه زيهم مساكين
أما صحاب الكروش قالوا علينا مجانين
روحوا شوفولكوا قرافه متوا خلاص ضايعين
بكره هنفرح فيكم فى الآخره يوم الدين



خلوني أنا المجنون وإنتم العاقلين

خلوني أنا المجنون وإنتم العاقلين
ومفیش أزمة بطاله ومفیش شباب عاطلين
بكره وزيرنا الهمام مسافر لبنجلاديش
هيجيب شوية عماله تيجى تشتغل وتعيش
بالربعميت ملطوش هيحقق الإعجاز
مشرحه وناقصه قتلى إبعثلى ١٠٠٠ جواز
يعيش وزيرنا المبجل صاحب الإنجاز
ويموت خيرة شبابنا وإنشاله ياكلوا الطين....



خلينا عايشين في الغيبوبه

خلينا عايشين في الغيبوبه
إيه يعنى بلدنا ومنهوبه
إيه يعنى شوية هليبه
نهبوا وخلوها سبوبه
إيه يعنى يضيع كام مليار
على حبة كفته وكفيار
إيه يعنى شويه تجار
بيغلوا علينا الأسعار
إيه يعنى حكومه مستقويه
تبيعنى الهدمه اللى عليا
وتاخذ ضريبه على الشقه
وتقولى عدددها كام طوبه
إيه يعنى واحد وجماله

يغرق في العز برجاله
وإيه يعنى يموت كام مليون
م الجوع والبرد في طوبه
مبلاش الغل ده يا إخوانا
ماهى صبحت واضحة ومكتوبه
خلينا عايشين في الغيوبه
إيه يعنى بلدنا ومنهوبه



العمل ثم العمل ثم العمل

ليه ربنا مخلقشى لينا لسانين
وخلق ودين وعينين وإيدين ورجلين
عشان نسمع ونشوف ونتعلم
عشان نعمل ونعمل أكثر ما نتكلم.



أنا عشت فوق عمري ولا ألف عام

أنا عشت فوق عمري ولا ألف عام
في تاريخ عليتنا الجميلة أحلى كلام
وتاريخ بلادنا وماضينا قول يا سلام
يارب زمن الخلافة يرجع أوام



في يوم واحد أنا شفت حزن وفرح

في يوم واحد أنا شفت حزن وفرح...
دنيا واتبنت على السعادة والجرح...
إفرح لفرحي يا صاحبي وإحزن لأحزاني
كل ما جرحي يلم ييجي بعده شرخ



لحد إمتى

لحد إمتى يا بلدى هتقتلى الأحلام
غريب بسابق الريح وبسابق الأيام
وكل ما آجى أمسك الحلم بإيديا
ألقاه سابنى وجرى وسبقنى ل..قدام.



لكل ظالم نهاية

شد الحبل شد أخنق في نفسك كمان
ياما ظلمت الناس وسقيتهم م الهوان
ياما نهبت وسرقت والمستخبي آهو بان
لكل ظالم نهاية ودلوقتي آن الأوان



ليلة ويوم أنا شفت فيهم العجب

ليله ويوم أنا شفت فيهم العجب...
(يوم موت أمي أنا شفت قلوب من دهب)...
محبة الناس من حب الإله...
(يارب حبيب فينا حتى الحطب)



مرض العباقره مكتوب على جيني

مرض العباقره مكتوب على جيني
لاخر يوم من عمرى علاجى دياكىنى
نوبة فرح بدون سبب تهل وتجيني
ونوبة ألم تحزن مهو حزنى كثير فى سنينى.....



مع موت أمي وقفت عاجز حزين..

مع موت أمي وقفت عاجز حزين...
وبقول يارب لطفك دنا مسكين...
سمعت هاتف بيقول خلاص إنتهى...
أمك يا خالد أصبحت م الميتين



ميت بيشيع ميت

ميت بيشيع ميت وكلنا أموات...
حتى رسول الله جاله يوم وآهو مات...
ولسه فيه قيامه وهنمشي على الصراط...
(يارب إحسن ختامنا وأكتب لنا الجنات)



زمن الكحوشه

الهليه كحوشوا على كل حاجه
واحنا بقينا بناكل الفتايت
هما خزنهم في البنوك عمرانه
واحنا ننام بنحلم بالكتايت
يا حكومه عاميه البصر
وكمان عاميه البصيره
ناس نايمه في العسل
وناس نايمه ع الحصيره
يا عدل فين قوتك
ليه حد بيسكتك
يا بلد وحالها إنقلب
والحق فيها إتحجب

خلاص بقينا صعاليك
وهما بقوا ممالك
وخديوى نايم فى بيته
وقافل الشبايك
وفينك يا أدهم



مين الې قال^(١)

سېب كل حاجة للظروف

تبات جعان

تأكل حروف

تحط النقط

ولا تضيع كل الحروف

مين الې قال إنك مخير مش مسير

مين الې قال إنك كبير منتاش صغير

سېب كل حاجه للنصيب

مره تصيب وعشره تخيب

مين الې قال

إنك مش صفر على الشمال

(١) نشرت يوم ٨ نوفمبر ٢٠٠٩ جريدة المصرى اليوم بباب السكوت ممنوع.

في بلد باعت ولادها

وضاعوا فيها أغلى الرجال

وبئنا منهوش لحمنا

ممصوص دمنا

لأننا بئنا

في زمن.....



سلامة جنابك سيادة الرئيس

سلامة جنابك سيادة الرئيس
بلدنا في عهدك صبحت باريس
وابنك بكره هيبقى العريس
يا زين ما اخترت ونعم الوريث

.....

سلامة جنابك سيادة الوزير
أكلنا في عهدك كباب أو فطير
وشا يلين فلوسنا تحت السرير
ومعدش في بلدنا واحد فقير

.....

سلامة جنابك نائبا الحبيب
أكلنا في عهدك سودانى وذبيب
وشربوا ولادنا اللبن الحليب
ومعدش في بلدنا واحد كتيب.....

صباح الفل والهييه

صباح الفل والهييه
صباح العزه يا حبييه
صباحك زين يا بلادى
على نيلك وع الوادى
صباح نور على شبابك
واقفين حراس على بابك
ساجدين لله على أعتابك
صباح الفل يا عروسه
يا ملكه كلنا أحبابك
يا ملكه كلنا أحبابك.....



إحضني خيرة شبابك

كلنا كنا بتتكلم
وكنا فاقدين الأمل
لكن شبابنا اللي ثاروا
همّا اللي قاموا بالعمل
لا برأى ولا برأيك
إحنا مجرد كلام
كبير إتعلم م الصغير
وكله كان ناقص علام
محروسه يا مصر العفيه
إحبسى كل اللثام
وإحضني خيرة شبابك
الثورجى البطل اللي قام....

الطور والذئاب

أنا طور بيدور في ساقيه
ومغممين عينيه
وبيرموله الفتات
وعمره مضحوك عليه
صحيح الأرض أرضه
لكن عليها ذئاب
مفيش في قلوبها رحمه
عاشقه قانون الغاب
يلا معايا يا صاحبي
ونطرذ النصاب



اللي يسرق إقطعوه

الفلوس مش كل حاجه
للى وياهم فلوس
والفلوس كل حاجه
للى مش لاقى الغموس
الفلوس يعنى قوت
لو مكلشى راح يموت
والمريض يعمل إيه
لو مفيش معاه جنيه
واللى معاه عمال يسرق
راح يقول للمولى إيه
يا كل واحد سرق
كام قلب معاك إتحرق

المولى قالها فى الكتاب

الى يسرق إقطعوه

الى يسرق إقطعوه



إوعى تبيع نفسك للفاجر..

إوعى تبيع نفسك للفاجر
أصله يا صاحبي بيك هيتاجر
أصل في طبعه يخون ويغادر
وكل كلامه رصاص وخناجر
إبعد عنه وخليك شاطر
لازم تعرف إنك غالى
غالى بدينك غالى بأدبك
غالى بشرفك غالى بعلمك
أوعى تبيع نفسك للفاجر.....



دوس على مكان الألم

دوس على مكان الألم
الجرح طاب من زمن
عد عليا العيوب
فكرني
معدتش تفرق
لأنني ببساطه نجحت من زمان
وعديت كل مراحل الفشل
دوس على مكان الألم
دوس.....



عاطل في زمن مبارك ونظيف

ضحكت على نفسى وجريت ورا الأوهام
وقلت إنزل يا ولا متتا يا واد عوام
وسنه وراها سنه ضاعت الأحلام
وصحيت على كوابيس وشففت الفساد أكوام
من لى سواك يا إلهى يارب يا علام.....



في جنازة أمي أنا شفت يوم حسنها

في جنازة أمي أنا شفت يوم حسنها...
الحب فارد جناحه ويقول لها...
شهادة الناس دليل على صلاحك...
والله ما كنت عارف ده موت...
والا بتزفها للجنة في يوم عرسها



أربع سنين في المجازر وبخاف أشوف ديبحه

أربع سنين في المجازر وبخاف أشوف ديبحه
بتندبح
وقلوب ماتت كثير بتدبح في البشر والكل
بينجرح
فينك يا مهدي يا ابن عبد الله يلي على إيدك
الكل هينصلح



كلاب السلطة

في كل نزله كنت أحلق لحيتي...
هربا وخوفا من كلاب السلطة...
لكن بإسرار وكل تحديا...
تركته بكل شموخ تلك المرة...
كل الوجوه تغيرت يا مرحبا...
ورد وفل والرمل مثل الحنة



كنسلي كل التلاب

غربلي كل المعارف...
كنسلي كل الكلاب...
شوفي مين بيحبك أكثر...
م الی حاضر والی غاب...
شوفي مين صادق معاكی...
والی كل كلامه داب...
شوفي مين واقف فی صفك...
والی دوقك العذاب...
محروسه یا مصر العفيه...
محروسه یا أم الشباب...
زغروته یا أمی البهيه...
دا بلدنا مذكوره فی الكتاب

لا تتصل

شفت حدايه بترمي كتاكيت..
مترحمونا يا ولاد التيت...
سعر الدقيقه بجنيه ونص...
وتلموا من الناس الملايين..
وبترموا اليهم الفتافيت !



لملي ولادك يا بلدي

لملي ولادك لمليهم
إيعتى يلا وهاتيهم
النهارده رفعنا راسنا
بكره راجعين وسط ناسنا
محلاكي يا أرض الجذور
بكره هتبقى الضلمه نور
كل فاسد كل فاجر
خلي كل شريف يهاجر
وباقى الشرفا الى جوه
قالوا بكره هنبقى قوه
يلا قوموا يلا ثوروا
يلا يا أهل المروه
يا شبابنا رفعتوا راسنا
يا شبابنا رفعتوا راسنا.....

مش هنسامح

مش هنسامح في حق كل واحد إنكسر
مش هنسامح في حق اللي إتجنن وإنتحر
مش هنسامح في حق دم كل شهيد
مش هنسامح في حق اللي صبحوا عبيد
مش هنسامح في حق كل من مات في طابور
مش هنسامح في حق سكان القبور
مش هنسامح في حق اللي ماتوا في الزنازين
مش هنسامح في حق اللي أكلوا الطين
مش هنسامح... مش هنسامح.



مفیش مفر من السفر

مفیش مفر من السفر
لسه مجاش فصل المطر
ودياهه عايشه في البراري
وتعابين بتنحت في الحجر
متشدي حيلك يا بلد
لحد إمتي هتنجلد
إبنك فقير عايش جعان
والخاين الفاجر غدر
ومفیش مفر من السفر



ملك وفارد جناحه

ملك وفارد جناحه وفي كل بيت له جناح...
ويبطل في وشوشنا مره مع كل حى على الفلاح.
(يارب أحسن ختامنا وإرحمنا يا فتاح)



هوكله بيخدع كله ...

هوكله بيخدم كله ...
وألاكله بيخدع كله ...
هواكله قاصد خير... ويعمل لوجه الله ...
وألاكله يعمل لحسابه... وعائز عز وجاه ...
لا عز في مال ولا جاه ...
لا عز إلا في الله... لا عز إلا في الله



وحياة شبرا وحى مسره

وحياة شبرا وحى مسره
والفقرا الى سافروا لبره
لبكره هنعيد الكره
وميدان التحرير موجود

.....

كفايا فساد وكفايا فجور
عايزين فى بلدنا طاقة نور
والكل يعيش فى هنا وسرور
عايزين فى بلدنا لينا نصيب

.....

وحياة شبرا وحى مسره
لبكره هنعيد الكره
لبكره هنعيد الكره

يالي عايزين تخربوها

يلي عايزين تخربوها
كفاياكوا خراب زمان
يلي عايزين تحرقوها
إنسوا خلاص فات الأوان
إنسوا خلاص طلع النهار
ونور الفجر شقشق ويان
والثوار خلوها جنه
والإصلاح بكره بيان.....



طلع طموحك ع الورق

طلع طموحك ع الورق
حقق آمالك فى الخيال
سرقوا الأمانى منا
وبقىنا أشباه الرجال



علمونا الغش

علمونا الغش في المدارس وإحنا لسه صغيرين
منتظرين إيه لما نكبر من شوية غشاشين
المهندس اللي يسرق م الأساس
علموه إن الفهلوه هيا الأساس
والمحامى اللي يلعب بالقانون
علموه إزاي يرتشى وإزاي يخون
والطبيب اللي صبح زى الشيطان
علموه إزاي يعرف يتاجر بالبشر
والرشاوى رايحه جايه وكله عادى
قتل دم حزن هم وبرضه عادى
لما خلوا الدين ييقى صفرع الشمال
مات ضميرنا وزاد عذابنا وليلنا طال

لما نسيوا إتنا يا ناس مسلمين
منتظرين إيه من شوية غشاشين
منتظرين إيه من شوية غشاشين



عين الوزير تعبت إصرف لها الملايين

عين الوزير تعبت إصرف لها الملايين
وإركب طياره خاصه وإطلع على برلين
عين الغفير تعبت بالششم أو بالطين
أصل الغلابه في بلدنا عايشين ومش عايشين



٢٥ يناير
تاريخ ميلادي الجديد

٢٥ يناير
تاريخ ميلادي الجديد
بكره راجعلك يا بلدي
وهعيش حياتي سعيد
ومعدش مستحيل
ما هو كل إيد في إيد
بكره هلاقي وظيفه
والعدل في كل حته
وكله بيقوم بواجبه
سته وعليها سته
لكل زمان رجاله
وولاده المخلصين

وخيرة شبابنا ثاروا

وإحنا قلنا آمين

فليسقط الطغاه

اللى نهبوا بلادنا

الله أكبر عليهم

والله يرحم ولادنا

الله يرحم ولادنا.....



صباح الخير صباحنا

صباح الخير صباحنا
رز بلبن طبخنا
الله يرحمك يا ستي
يلي كنتي بتدلعي
وإنتي بتصحيني
دلوقتي خلاص كبرنا
وأسينا وإنجر حنا
والصبر مفتاح الفرج
ويا رب يكون يومنا
أحسن من إمبر حنا
طبطب عليا يا صاحبي
وخليني أطبطب عليك

ما هو جرحك هوا جرحي
وأنا بس اللى ليك
ربنا يتوب علينا
ويرحمنا ويسامحنا
ويرحمنا ويسامحنا
وصباح الخير صباحنا.....



عاطل بعد ٢٥ يناير

مقدمه...آن الأوان أن أغير نهاية قصيدتي فأنا
وإخواني الشباب لم نكن حميرا ولكن كنا أشبال
الأسود وعندما نادى المنادى حى على الجهاد ثرنا
وليينا النداء، قصيدة عاطل بعد تغيير هايتها

تمتأثر سنه تعليم
وإتأثر سنه صايع
وسته مش محسوبين
مين شارى ومين بايع
حد يفتح المزاد يا أهل الخير
العقل عقل عبقرى
والجسم جسم أسود
ما هو اللى عايز يعيش فيكى يا بلدى
لابد يبقى أسد
وإن كان له فى بق الديب حاجه

يفسخ بقه ويجيبها
عشان كده إحنا قمنا بالثوره
عشان نرجع الحق لصحابه
ونقيد شموع الأمل
ونرجع الفرحة تانى فى قلوب الناس
إلسى يا مصر فستانك الأبيض التلى
وباركى لشبابك اللى توجوا راسك
وحنوا إيديكى بدم الشهدا يا سمره.....



لا أحد فوق القانون

لا أحد فوق القانون
يعنى لما رئيس يخون
ويوصل شعبه للجنون
ويسرق وينهب كام مليون
يبقى كله لازم يقول
لا أحد فوق القانون
فين يروح دم البرىء
واللى ضاع منه الطريق
واللى مات على شان رغيف
واللى عقله صار خفيف
لأنه كان واحد نضيف
وإنتحر ومات شريف

هواده رد الجميل
الدم مش لازم يهون
ولا أحد فوق القانون

لا أحد فوق القانون
لان دى هيا العدالة
مش رئيس على راسه ريشه
وغلابه نايمه فى الزباله
لأن إحنا شعب واعى
يعنى مش طفل برياله
ولا أحد فوق القانون
لا أحد فوق القانون



وحشني وش صوت وابور الجاز

وحشني وش صوت وابور الجاز
وحشني شرب الشاي في الكبايه القزاز
وحشني صوت زغروته حلوه عند كل جواز
وحشني طعم المحشى المطبوخ على الكانون
وحشني حمايه أمي وحرقان عينيا من الصابون
وحشني كل طرمبه وكل مصليه
وحشني صوت مكن الري على الزراعيه
وحشني زمايل في الإبتدائيه
وحصه اللغه العربيه
واللعب في رمضان للصبحيه
ودعا جدتي في الفجريه
وصوت المدفع في المغريه

وحشني المذاكره في الغيطان
وصوت البلابل ع الأغصان
وحشني ركوب قطر القشاش
وحشني الزحه وسط الناس
وحشني بلدنا كل صباح
وحشني بسمة الفلاح
وحشني اللمه في الأفراح
وحشني الشرب من نيلك
وحشني ضي قناديلك
حاجات كتيره وحشاني
كلها بكره وهجيلك
وحشني كل شيء فيكي
وحشني سماكي وأراضيكى
وحشني... وحشني... وحشني



إبقى قابلني ...

في الصلا عمال بتأخر...
وفي الفجر تنام وتشخر...
وحريقه في التدخين...
ومفيش أخلاق ولا دين...
وليل ونهار تتندم...
وعايز نفسك تتقدم... إبقى قابلني



كل الخطوط دخلت على بعضها

كل الخطوط دخلت على بعضها
ما عنت عارف طولها من عرضها
مين الى صان البلد وحفظ لها عرضها
ومين الى راح خربها وقعد على تلها
مين الى لاحس تراها ويحلم بيوم مجدها
ومين الى ناهب في خيرها وميهمهوش ودها



كل وقت وله أَدان

كل وقت وله أَدان
واحنّا صابرين من زمان
اللى يهبش واللى ينهب
واللى يسرق واللى خان
فين عيونكوا يا أكابر
يللى سادين الودان
إصحوا فوئوا أبوس إيديكوا
رجعوا لينا الكيان
فين إيمانكوا فين ضميركوا
ليه إتعاهدتوا مع الشيطان
اللى شايف نفسه تايه
يمشى ويسيب المكان

مصر فيها رجال كثير

يشار إليهم بالبنان

مصر فيها رجال كثير

يشار إليهم بالبنان



كوسه

بنام وأنا واقف زى الخيول
كإنى حصان عربى أصيل
رحت أدخل السبق قالولى إرجع
أمال لما إنت تدخل
فين يروح إين اللوا وإين الوزير
واللهى يا ولاد الأكابر
لو البلد داخله على حرب
ما كنتوا عتبتوها
د إنتوا دايما مع الرايجه
عايزين تلبسوا حرير فى حرير
وإحنا نلبس خيش وننام على الحصير



لبسونا السلطانيه

مملكه أو جمهوريه
لبسونا السلطانيه
الرئيس ابنه رئيس
فلتعيش المهليه
تحيه لحوت الحديد
وتحيه لغول الصعيد
وتحيه لنايب الرصاص
الى جاى من الشرقه
البرادعى بقى تلقىحه
عيب يا هلال كفاياكوا فضيحه
فصلتوا قانون على أجمال
قلتوا ساعتها ده عال العال

ولما نطالب بالتغيير
بقينا هزؤ وخبیه وميحه
يلا إخربوها كمان وكمان
محنا عيشتنا بقت ملو خيه.



لسه مجاش أوان نجاحك

لسه مجاش أوان نجاحك
تنجح إزاي في الفساد
على شان تبقى مصر جنه
لازم تلقى العدل ساد



لقمة عيش

الجرى ورا لقمة العيش تخلى الأسد ينسل
والى مش لائيها تصبح حياته ذل
يا بلدنا خيرك كثير وليه سقيانا المر
يارب اللى كان السبب ييجى يقوم ينشل...



ليه شمسك يا بلدي حامييه
على كتير م الشباب

ليه شمسك يا بلدي حامييه على كتير م الشباب
واحد خاب
وواحد غاب
وواحد شاب
وواحد جاله إكتتاب
واللى ماسك زمامك سايبه لشوية ذئاب
والفساد على كل لون والأمل أصبح سراب.....



ليه ملكشي مكان في بلدك

ليه ملكشي مكان في بلدك
حضن أهلك مش مكان؟
قلوب حبايبك مش مكان؟
لو في مره قلت آه
هتلاقي كتير يقول سلامتك
لو في مره إحتاجنا ليك
مش ناسين أبدا شهامتك
طب ليه ملكش مكان في بلدك.



مسلم مسيحي إخوات^(١) ..

مستكرين علينا الصبر على الخيبة
مسلم مسيحي صابرين على العيبة
فرق تسود
هوا شعار اليهود
هاتوا التاريخ وإقروه من أيام الجدود
جواسيس رايحه وجايه يا حكومه وكثييه
إزاي بياخدوا الغاز ويضربوا في غزه
معدشى كرامه يا بلدى وماتت العزه
صهاينه ومتفرعين وحكا منا دخلوا الجحور
قوم يا وطن وإصحى وإمسك في طاقة نور
مسلم مسيحي إخوات ودمهم واحد
عبروا زمان القناه وفدوكى يا حبيبه.....

(١) نشرت ٦ يناير بباب السكوت ممنوع بالمصرى اليوم بعد تفجير كنيسة

الإسكندرية (٢٠١١)

مصري خلاص باع القضية

مصري خلاص باع القضية
حكماه حكومه مفتريه
إيه يعنى لما الظلم ساد
وسائت أحوال العباد
وطلعوا إقطاعيين جداد
يا ترى يا مصري هتصحى تانى
وآلا نقف دقيقه جداد



ودع حواريه وشوارعه

ودع حواريه وشوارعه
ودع كنايسها وجوامعها
ودع كل اللي يحبوك
وبارك لكل اللي راجعها
مش بإيدنا نسيبها الغاليه
بس كلاب السلطه العاليه
خلونا نثن في مواجهها
ودع حواريه وشوارعه.



يا ماصص دم الغلابه

يا ماصص دم الغلابه بكره يجيلك يوم
تدوق طعم الألم ومتشوفشى طعم النوم
لوربنا بيستيب كان سيب اللبن ع الدم
لكن إنت أعمى البصر وفوق عيونك غيوم..



يا ريس

(أنشر يا عمى الرئيس قلبه كبير...
يمكن يدينى شقه وعريبه يخلينى بيهم أثير)

يا ريس الدوله يا ريسنا
من زمان وإنّت مآنسنا
قولى ليه متناش حاسسنا
وألا السعاده للكبار
وإحنا طظ فى احاسيسنا
قالولى حكومتك ذكيه
وفى الإدارة عبقرية
طب ليه مش باين علينا
وأشهرنا تفالسنا
أحاسيسك ذوق ورقه
أصلى غلبان هتلى شقه

نفسى أملك عريه
وتكون مصرى وقويه
هوا يعنى كتير عليا
نفسى أقول للفقير لاه
نفسى أقول للفقير لاه



يالي داخل للحصانه

يلي داخل للحصانه مش هنسكت من جديد
مش هتنهب مش هتسرق محنا في العهد الجديد
يلي عايز ترضى ربك وتخدم كل الناس في
بلدك
بالإخلاص وبالعدالة نحقق الحلم السعيد.



يالي كنت رئيس عصابة.. وكنا عاملينك رئيس..

يلي كنت رئيس عصابه
وكنا عاملينك رئيس
بعث بلدنا للديابه
وانشاله الشعب يموت فطيس
والملايين راحت سويسرا
ومعاك حرامي وزير بوليس
وحرامي إحتكر حديد بلادنا
أصله كان تاجر خسيس
فاكر مصر عزبة جنابك
هتسيبها بعدك للورث
دا مصر مقبرة الغزاه
وشعبها هوا الهويس....

السيرة الذاتية



الاسم خالد محمود محمد الغريب الشناوي.
شاعر السكوت ممنوع بالمصري اليوم.
مذيع بقناة الناس سابقا.

ممثل معتمد بنقابة الممثلين والقيام بالعديد من الأدوار التلفزيونية
المؤهل بكالوريوس الطب البيطري جامعة الزقازيق ١٩٩٥.
مواليد ١٦-٦-١٩٧١

الخبرات السابقة

مذيع بقناة الناس سابقا عام ٢٠٠٧
ممثل معتمد بنقابة الممثلين عام ٢٠٠٢ والقيام بالعديد من الأدوار
في المسلسلات التلفزيونية
شاعر مميز جدا بباب السكوت ممنوع بجريدة المصري اليوم
والانتهاء من تأليف ديوان ضد الحكومة وديوان يلي كنت رئيس عصابه.
القدرات الشخصية. القدرة على الإبداع، اللباقة، القدرة على
مواجهة الكاميرا، القدرة على العمل الجماعي وقيادة فريق للإبداع
والتفوق

م / ٠١١٢٦٢٠٣٥٩٤ السعدي ٠٠٩٦٦٥٥٩٣٥٣١٧٠
drkhalidalshenawy@yahoo

الفهرس

- ٣..... يالي كنت رئيس عصابة
٤..... آخر كلام
٥..... الجمل ملوش مراره
٧..... الخصخصة
٨..... الغنى فى الوطن ووطنين
٩..... الفلوس بتجيب فلوس
١٠..... المساواه فى الظلم عدل
١١..... إلى الشاعر أحمد فؤاد نجم (يا فاجومى)
١٢..... إمسك طبله أو إمسك طار
١٣..... طقطوقة أنا حلمى بسيط قوى يا إخوانا
١٤..... أغنية المدينه هيا هيا
١٦..... أغنيه تسوى إيه
١٧..... أنشودة جايلك يا بلدى جايلك
١٨..... أغنية طاحونه
١٩..... أنشودة ميزان العدل إختل
٢١..... آه وألف آه منك يا مصر
٢٢..... إوعى تبيع نفسك للفاجر

- ٢٣ برضه هفضل أسد
٢٤ بلطجيه مصر
٢٦ بنادى وأهاتى
٢٧ بندن فى مالطه
٢٨ تخريفة
٣٠ ٣٠ سنه لابسين شوال
٣١ طقطوقة ٣٠ سنه مطاطين
٣٢ جدى العمده
٣٤ طقطوقة حاميه حراميه
٣٥ حد الله
٣٦ خزنه ثقيله قوى
٣٧ خلونى أنا المجنون وإنتم العاقلين
٣٨ خلىنا عايشين فى الغيوبه
٤٠ العمل ثم العمل ثم العمل
٤١ رباعية أنا عشت فوق عمري ولا ألف عام
٤٢ رباعية فى يوم واحد أنا شفت حزن وفرح
٤٣ لحد إمتى
٤٤ رباعية لكل ظالم نهايه
٤٥ رباعية ليله ويوم أنا شفت فيهم العجب
٤٦ مرض العباقره مكتوب على جينى

- رباعية مع موت أمى وقفت عاجز حزين ٤٧
رباعية ميت بيشيع ميت ٤٨
زمن الكحوشه ٤٩
مين الى قال ٥١
سلامة جنابك سيادة الرئيس ٥٣
صباح الفل والهييه ٥٤
إحضنى خيرة شبابك ٥٥
الطور والذئاب ٥٦
الى يسرق إقطعوه ٥٧
إوعى تبيع نفسك للفاجر ٥٩
دوس على مكان الألم ٦٠
صباح الفل والهييه ٦١
من يوميات دكتور عاطل فى زمن مبارك ونظيف ٦٢
قطقوطة فى جنازة أمى أنا شفت يوم حسنها ٦٣
أربع سنين فى المجاز وبخاف أشوف ديبحه بتندبح ٦٤
قطقوطة كلاب السلطه ٦٥
قطقوطة كنسلى كل الكلاب ٦٦
قطقوطة لا تتصل ٦٧
لملمى ولادك يا بلدى ٦٨
مش هنسامح ٦٩
-

- ٦٩ قطقوطة مفيش مفر من السفر
٧٠ قطقوطة ملك وفارد جناحه
٧١ قطقوطة هوا كله بيخدع كله
٧٢ و حياة شبرا وحي مسره
٧٣ يلى عايزين تخربوها
٧٤ رباعية طلع طموحك ع الورق
٧٥ علمونا الغش
٧٧ عين الوزير تعبت إصرف لها الملايين
٧٨ ٢٥ يناير... تاريخ ميلادى الجديد
٨٠ صباح الخير صباحنا
٨٢ عاطل بعد ٢٥ يناير
٨٤ لا أحد فوق القانون
٨٦ وحشنى وش صوت وابور الجاز
٨٨ قطقوطة إبقى قابلنى
٨٩ كل الخطوط دخلت على بعضها
٩٠ كل وقت وله أذان
٩٢ كوسه
٩٣ لبسونا السلطانيه
٩٥ رباعية لسه مجاش أوان نجاك
٩٦ لقمة العيش
-

- ٩٧.....ليه شمسك يا بلدى حاميه على كثير م الشباب
٩٨.....طقطوقه ليه ملكشى مكان فى بلدك
٩٩.....مسلم مسيحى إخوان
١٠٠.....مصرى خلاص باع القضية
١٠١.....طقطوقه ودع حواريتها وشوارعها
١٠٢.....يا ماصص دم الغلابه
١٠٣.....ياريس
١٠٥.....رباعية يلى داخل للحصانه
١٠٦.....يلى كنت رئيس عصابه...وكننا عاملينك رئيس
١٠٧.....السيرة الذاتية

